

敘

嘗讀呂祖全書自全唐詩律及歷朝遺蹟釐然備載所以振元風而詔後學也張三丰先生道德崇高元微莫測文章浩瀚利濟無方與呂祖無異者也其書曾刊於前明永樂時久而版壞然其散見於他書者亦不少矣夫呂祖之書成於涵三豈先生之書竟聽其散佚乎或者時之未至也

國初汪公夢九觀察劍南時先生顯化於署中其輯兵愛民諸善政得之先生者爲多夢九藏舊本拾遺文將付梓并欲與巡撫奏請立祠均未果蓋其時亦將至矣長乙山人遜園居士忘名利者也得先生書於夢九六世孫名曇者之家十存七八因

道藏輯要

三丰全集 序

四

續畢集七

×川×

採諸書以補之壽諸梨棗以成夢九欲遂之志焉雖齋居絃誦未徧歷武當寶籙諸名勝搜羅真蹟纖悉弗遺然觀集中本末終始郁郁大成實與呂祖全書相伯仲卽有遺佚無妨續補也前明之訪先生也側席旁求十餘年而不得先生獨以隱世濟世維氣運於人所不知之地纖塵不染高不可攀高真上聖莫過於此明君且以通微顯化封之明史竟以方伎末流例之誤矣讀此集者見先生於文字中復見先生於文字外已飄飄乎欲仙也會心人自領之耳

賜進士出身內閣中書改保甯府教授致仕西來李迦秀謹敘